


漸備一切智德經

第一

百十九
戒四

47966



元祿九年丙子二月日重脩

皇圖鞏固 帝階綴昌

佛日增輝 懋輪常轉

山城州天安寺法金剛院置



漸備一切智德經卷第一

西晉三藏法師竺法護譯

初發意悅豫住品第一

聞如是一時佛遊第六他化自在天

宮如意藏珠妙寶殿上與大菩薩眾不可計

俱各從他方諸佛國來普集會此金剛藏喜

薩等尔時金剛藏菩薩承佛威神以大慧光

三昧正受適定意已應時十方諸佛刹土一

一諸方如十億佛刹滿中諸塵若干億國諸



如來現邊有菩薩其号各各曰金剛藏十方
亦然皆同一号時此諸佛俱讚曰善哉善哉
汝乃以此大慧光菩薩三昧而以正受在十
方佛土各如十億滿中諸塵諸如來等之所
建立一切等号悉是照明如來至真本願所
致而建立此亦是仁者慧淨所致復是一切
諸菩薩等不可思議法光聖旨住明智地多
所度脫攝取一切衆德之本皆曉諸佛本所
行成愍念十方解了善權敷演道化普弘法
惠周流十方所講經義盡令堅住其智慧明
無能毀者隨時建立令使得安遊諸世間不
著方俗度世清淨莊嚴善本入不可思議慧之

境界通一切智高遠聖道乃能招致諸菩薩
等十住行無如開士衆所當建立有所宣布
往返周旋執無漏法光明咸照而善思惟撰
於離心曉了隨時大慧光明其末善度至聖
道門使得度脫而無所著住於內行專精奉
修無上大業其辯才慧不可稱載威耀普照
消除闇冥已超衆行頌言無極住在佛地建
菩薩意愍念衆生未曾忘捨遊入一切諸佛
至具善權方便泐衆結網承佛聖旨自恣講
說演此法門靡不解了如來在世故爲建立
亦是卿本善願所致清淨行業而諦莊嚴一
切法界又救衆生之所惑亂以致法身至聖

慧體具足諸佛本所志願其身所行皆超越世
俗普過世間無益之業嚴飾清淨度世之法
諸佛世尊為金剛藏菩薩大士無所恡惜各
現已身宣布無限辯才之義分別決解其清
淨慧懷抱不忘建立顯示隨時便宜暢眾疑
心普入一切諸佛所念諸等正覺十力所由
我智德卷二
如來所致四無所畏而不怯弱宣布至教一
陳浩
切智業諸分別辯超越得入體解道法入諸
如來身口心行所以者何皆由此定成就所
致亦由本願行通巍巍其心清淨而無點汗
內性明了常懷清淨威耀弘照入于慧場諸
所行業靡不備焉斯所造立而悉具足其道

器意不可限量信志清淨巍巍普達逮搃持
門無所破壞常以法界慧門之印善印一切
是諸世尊各自顯現各申右臂皆共手摩金
剛藏菩薩頭首時金剛藏為諸世尊所見摩
頭道德巍巍遂得成就威耀光炎如佛無異
爾時尋即從三昧起請諸菩薩而解言曰諸
最勝子吾已明達諸菩薩願破壞疑網則無
所壞世無所生亦無罪疊法界弘廣亦無遠
近其所遊居譬如虛空以是救濟擁護十方
一切衆生所以然者族姓子知過去菩薩往
古諸佛由此慧地而得過度當來現在亦復
如是諸佛子知我向者云菩薩之地為何謂

也諸菩薩學有十道地因得成就無上正覺
去來今佛之所講說初菩薩住名曰悅豫第
二菩薩住名曰離垢第三菩薩住名曰興光
第四菩薩住名曰暉曜第五菩薩住名曰難
勝第六菩薩住名曰目見第七菩薩住名曰
玄妙第八菩薩住名曰不動第九菩薩住名
曰善哉意第十菩薩住名曰法雨是諸菩薩
十住道地也我觀十方去來今佛諸如來至
真無不講此十住之業所以者何諸佛子等
是十住者今諸菩薩現在親近清淨道無為
諸法門名顯遠照于十方無數佛土三界衆
生處蒙得濟照天下如日明療衆病如醫王

度衆人如船師曜十方如月盛活一切猶如
地安衆生如時雨含道法如虛空正堅住如
須弥宣布此教則得豎立在十道地又解此
地不可思議諸菩薩住僉入聖慧時金剛藏
菩薩粗舉其要歎此菩薩十住地業尋即默
然不復重解於是大衆咸懷飢虛聞此菩薩
十住道名欲令分別重敷演義聞者僉解心
懷入道離諸顛倒各心念言金剛藏菩薩今
何以故粗舉其要宣於十住菩薩之業稱歎
其号而便默然不復重散解了本末時彼會
中有一菩薩名月解脫亦來俱會時月解脫
菩薩大士知彼衆會開士所念以偈歎頌問

戒卷一

智德

徐危

金剛藏此義所歸

淨念以何故

懷慧稱功勳

明智宜十住

不重解所入

諸菩薩勇猛

心各抱猶豫

云何說義名

不聞道地處

咸欲悉共聞

最勝子無畏

決義入平等

所行住道地

衆會僉悅豫

清淨除諂諂

堅住鮮踳地

功勳慧平均

一切立恭敬

展轉相承望

求微妙無瑕

志無上甘露

因聞金剛藏

無畏大智慧

當歡悅來衆

仁宜與佛談

未曾最難及

顯菩薩所行

分別如道地

所由最上勝

棄想微難見

常住遠離心

柔仁行成慧

而聞所歸趣

所止如金剛

第一解佛慧

立心捨吾我

乃聞此上智

如彩畫虛無

離欲亦如空

慧如地無漏

興別最難見

道無念如此

信者甚難值

佛慧不可議

故默不重說

月解脫菩薩謂金剛藏佛子當察諸來會者

性行淳淑清淨離穢其志仁和悉諸菩薩斯

行真正積功累德每生自剋六度無極以自

莊嚴四等四恩習權方便功勳遠著名德無

量大慈大哀欲興道化分流法教救濟三界

諸危厄衆消衆冥如日明生道品如良田成

正覺如虛空長弘教如流水除狐疑如日晡

療三毒如醫王度生死譬船師是故佛子仁

者善哉宜當頌宣現在學行今此道地緣修
所歸使諸會者各得開解如真觀明應病授
藥使無餘疑時月解脫菩薩大士欲令此義
重散本末顯示歸趣為金剛藏說此頌曰

茂盛願講說

殊特最上法

人中上所行

諸菩薩之業

敷演說其教

所住之道地

戎智德卷一

四徐免

聖慧甚清淨

巍巍仁和業

諸會者清淨

不可計第一

堅住在正路

志性懷篤信

善累功積德

奉無數億佛

各欲得決解

尋現逮十住

金剛藏菩薩報月解脫佛子察之今此眾會
四面雲集云何見之所念應宜柔弱仁和清

淨無瑕豈離狐疑無猶豫乎於斯法要寧有
高行不依他人無戴仰耶不從他教進退不
安懷抱久病不可療治堅住羅網未出深塹
六十二疑四倒五盖火林虵室十二牽連十
重之閣三坑三戶三流之逸遊在曠野未向
佛門設聞此法躊躇未進或復有人若聞於
此不可思議如是道住各懷異心聞之狐疑
不肯篤信由此惑亂長夜不安永失利義捨
根取枝吾故向者默然不言慈愍此等無辭
為佳樂無所樂又說偈言

豈見於衆會

智慧淨無垢

善敷演聖達

諸根通深妙

而無所戴仰

無動等如山

志性無瞋恨

思平如水正

習修何所行

其慧無等論

住在樂所識

為求義慧信

適聞恐猶豫

便墮于惡趣

以故愍念此

不說慧住地

月解脫菩薩復謂金剛藏仁者願意承佛威
神宣如來旨感動十方反偽向真消諸垢塵
盪滌結滯裂三界網通無極慧惟敷演之如
是比像不可思議善當將養寬弘之士必當
信樂無猶豫者所以者何佛子當知若講此
教將致道法一切菩薩皆念諸佛識遠經義
擁護奉此行慧道地靡不蒙賴咸得安隱所
以者何斯之所行必歸平等諸佛道法猶如

佛子一切書疏惟說文字此悉由意心為原
首從志因緣而有所倚書本無文所演文字
心之原空宣之虛無如是佛子一切佛法住
為原首因行而成依於道地至自然慧是故
惟說願愍一切如來至真等正覺道力助卿
建立分別如此文字令其且然將護正法因
得久存戎智德使無餘結卷一又說偈言五牛志
善哉演清淨 解入一切智 普遊諸道要
至覺成聖慧 諸在十方佛 安住最道勝
慧室至境界 皆共愍念之 立此親近慧
行是究竟迹 諸佛無比法 悉由無量業
猶書意合集 因心事為首 此住竟如是

解暢至佛道

於是一切菩薩各各發心咸共勸助欲令宣暢仁本興意誓為一切勤勞積功累無量德猶如虛空欲濟危厄不難劫數周旋生死心常遽遽欲濟一切心無所著行如蓮華在泥塗中三界之苦不以為拘惟懷愍傷拔惱根株三世之樹永令無餘時諸菩薩同時舉聲勸歎金剛藏菩薩而說頌曰

最勝殊特志覺遠

辯才無量心念真

宣傳柔爽至佛教

第一至真甚微妙

其意堅固行清淨

不捨功勳十種力

以分別辯故造行

惟願當演上道法

心之所念如明珠
今此衆會離狐疑
虛渴言教如望泉
甘美之餅在目前
故善垂念廣其志
調寂正安不捨無

意寂以見消塵欲
咸皆願樂仁所說
飢服仁者病待醫
如是欣樂甘露味
宣殊勝住除垢塵
講衆祐行無患難

於是世尊有諸菩薩至聖光明号曰力勢佛
從眉間演此光曜興無數明普照十方一切
佛土消滅一切諸所惡趣勤苦休息不復拷
治皆得安隱照斯如來一切道場十方佛國
建立法講靡不周悉不可思議諸佛境界其
光則還遶佛三帀上住虛空合成大光光明
焯焯上爰露帳又有諸佛興出世間自然威
曜從其眉間演如是倫諸菩薩等力勢光明

焯焯立交露帳又有諸佛興出世間自然威
曜從其眉間演如是倫諸菩薩等力勢光明
現如此比神足變化照斯忍界曜是能仁衆
會道場及金剛藏師子之座乃住虛空成光
交露帳是能仁佛眉間毫時光明廣遠照諸
閻冥代十方佛界衆會道場莫不蒙明光咸顯
現在諸菩薩大士屋宇一切晃現其於十方六
諸佛國土現諸如來所可演出眉間光曜皆
復照曜此忍世界能仁衆會菩薩道場周照
師子高廣之座在金剛藏菩薩身現於大光
巍巍晃然珠交露帳各有坐佛自從口出如
是輩聲而歎頌曰

喻之無等倫
功勳不可量
建立第一業
蒙道師恩慈
頒宣佛道慧
分別普化衆
寶法為上尊
具足滿本願
海水尚可盡
不可卒得聞
一切未有愍
緣住慧徑路

譬之如虛空
殊勝最上特
釋師子之法
法王人中帝
入妙衆行元
安住已建立
是寂其志性
因十力最勝
一切數知限
其能離志念
照以此經典
所處奉斯行

十力境界尊
普世為無上
講衆安住子
演眉間光明
賴十力垂願
斯聞能宣照
一切住無穢
志求上尊路
若人欲受此
永除衆狐疑
是故辯才尊
遊步依本業

至行入境界 普到佛聖智 愍一切衆生
布散此法目

於是金剛藏菩薩觀于十方欲令衆會重懷
悅豫渴仰於法興發大哀無極之慈應時因
是嗟歎此頌

大聖之道法 微妙甚深遠 無念已捨念

清澄永難了 聖明達玄微 智慧解所行

自然業寂安 未仁無諍亂 自然空淨故

寂寞除苦患 遊居至解脫 建平等滅度

無限無極義 言辭近超度 以越于三世

行等猶虛空 諸衆祐所行 寂然甚擔怕

一切之行業 徑路難逮解 此等行如地

志性亦若斯

甚難可講說

何能分別了

以去棄心意

永無心句迹

諸眾祐所行

智慧消言念

亦復無所行

無陰眾衰入

聖達依慧業

其心無想念

猶如有飛鳥

遊行在虛空

不可以言辭

何況欲覩見

安住自然慧

如是行道住

其心所行念

戒 智德卷一

不可分別知

何所有入處

殊勝慧土地

愍傷常慈哀

志願普備悉

漸以具眾行

心亦無想念

猶如心本性

智慧已明了

如斯行之業

微妙甚難解

自己志性無

不可卒達知

何況能宣布

安住之所念

一切共恭敬

明聽玄妙教

以入正真慧

如行道之住 若於億千劫 不可盡究竟

等俱咸悅豫 普共且專聽 至誠妙真義

無獸亦無異 不以為憤亂 猶如成大海

今當具敷演 諸眾祐道行 又當頒宣說

殊特之法音 牽引眾譬喻 正真等文字

其所講分別 甚難可解散 安住行業事

如是不可量 今以得逮入 吾我之自然

咸樂如一滴 且聽所宣言

尔時金剛藏菩薩大士謂眾會者佛子且察

諸集眾生成積累德本 一所行真諦而無虛偽

二所造行業甚善將護 三諸佛興世常勤供

養四極以合會諸清白法 五恒以諮受善知

識俱六 以除憂感志性寬弘篤信微妙定意

平等七 面覩現在愍念慈哀八 心常志慕諸

佛聖慧九 化諸眾生悉發道心十 皆令至真

好一切智一 其十種力強而有勢二 則得遊

行大無所畏三 其意且然得佛正法四 擁護

救濟一切眾生五 修大愍傷其哀清淨六十

方無餘悉解一切七 明智至門悉現目前一

切佛土無為清淨八 一時覺了三世世事九

轉大法輪療眾疾病十二 菩薩大士須臾發意

愍眾生行無極大哀以為元首一 智慧明了

甚為巍巍二 常勤學受善權方便三 意性和

柔親近道法四 如來十力不可限量五 善思

選擇計一切人力佛力最上六所宣法門無
所罣礙七而以和順自在之慧八佛悉了知
一切佛興因是自在九造立道法法界行最
立虛空際十所可發心顯了當來發菩薩意
適發道意越凡夫地一以得超越菩薩之地
二則得生在如來種姓三因号之曰無所從
生無有罪疊四輒以迴轉世俗所趣五適過
世俗由度世行六因得住立菩薩道法七已
得住立菩薩道法八便能順從三世俗佛教九
勤心道義常深第一菩薩住如是道法悅
豫道地佛子當知如斯得立住菩薩道所行
不動入不迴還以住菩薩悅豫地者因是發

意多所悅豫一其有見者莫不歡然二常有
恭敬以致利養三其來見者咸共欣喜四開
化衆生僉然受教五普來雲集共相娛樂六
雖致遠近計無堅固七常抱仁和無所傷害
八恒志悅豫心不懷恨九和顏悅色而無瞋
恨十是爲菩薩悅豫之地住于道教諸佛世
尊皆共念之第一悅豫思於佛法一適發悅
豫念於菩薩大士本業二適懷悅豫念菩薩
行三適發悅豫念於六度清淨無極四適發
悅豫念於開士所住殊特五適發悅豫思道
最微而無等侶六適發悅豫用衆生故利益
道義七適發悅豫進心深法八適發悅豫念

於如來至真之教念以勸化一切衆生九適
發悅豫念諸菩薩入如來慧精進之業十重
復思惟將導不逮爲以得度悅諸衆生所慕
境界懷來進入諸佛平等以得遠出愚癡之
地親近道場斷除一切惡趣勤苦爲諸衆生
勸導之首已得覩見如來至真具足成就如
乘境界皆已逮覩諸菩薩定平等之業故悅
豫耳永以消除一切恐懼衣毛不豎故悅豫
耳所以者何是故佛子諸菩薩學以是悅豫
便逮得立菩薩道地以得住立菩薩道地諸
所恐畏永無復難在無命安無世俗畏無死
之畏不畏惡趣所入衆會無所忌難皆已永

除一切諸懼所以者何無吾我想不貪己身
況復貪愛一切榮冀所生業乎不畏無壽亦
不思念希望僥倖惟愍群生一切所有無極
之業救諸窮乏貧不識道是無俗畏成其道
明不自見身不畏失已無吾我想不畏當死
雖身壽終成菩薩行不離諸佛由是之故不
畏惡趣普觀世間察於道心而無等倫志性
仁和誰能踰者以是之故所入衆會不懷忌
難離於恐懼衣毛不豎佛子當解菩薩大士
以具大哀不抱傷害修本淨心益加精進合
集一切衆德之本

佛言以篤信至威神漸備多所歡悅淨諸不

信篤信已興常行愍哀歸無極慈心不患厭
生死之難志于慚愧而自莊嚴心所生處忍
辱仁和若干種物供養奉上如來至真最等
正覺夙興夜寐精進勤修不歇講誦積功德
本習於善友以法樂而自娛求博聞不懈倦
若聞法順思惟已思惟無所著不希望衣食
棄諸利養心不貪慕萬物恩愛心永已除惟
慕義求三寶發意之頃不廢正行勤修慕樂
一切智地如來十力四無所畏佛十八法專
精奉行六度無極棄捐虛偽而無論諂言行
相應不違心口所至到處常順言行未曾毀亂
如來種姓恒一心念菩薩禁戒一切智心不

可動搖猶如太山不可傾覆普於世間無所
慕樂求度世業以化未聞學於道品不知猷
足心常勤勤求殊特事是為佛子如是像業
清淨道事淨菩薩法輒得堅住悅豫之地世
尊復言若能得立悅豫地者成菩薩住建立
廣大無極之道如是景摸無限大願弘誓之
鎧又有十事法何謂為十頌宣無蓋和雅音
辭至於無喻無不周悉供養諸佛一切奇珍
篤信微妙清淨之業法界坦然志歸空界究
暢解達於當來際一切無想無所希望合佛
道興無所思樂所奉事者供於無極志務大
願念諸如來所開演教執持法目將護諸佛

諸菩薩業不違一切平等覺訓已能具足如
上法訓輒得出生在兜術天上從天來下入
母腹中處在胎藏從母腹出隨行七步舉手
自讚三界最尊釋梵誓首諸龍浴體學書手
博遊觀所覩出家入山成佛降魔釋梵勸助
轉大法輪現大滅度供養舍利宣布道化顯
衆經義皆以一時至不退轉法界弘廣不可
限量處虛空界究竟解暢當來之際於一切
念而無想念從無數劫會成佛道篤信無倦
俱住合同頌宣義音無極弘誓乃至菩薩一
切諸行弘普無窮無量無數攝取一切諸度
無極住清淨道校計衆會品類音響有相無相

合會別離有為無為為諸菩薩一切師首道
住真妙所演章句諸度無極所當宣行勤修
正行而無所生近成發心以能具足此諸法
已具足解暢衆生境界色無色想無想有想
無想水生陸地合會聚處一切所生三界受
形六品所趣此皆受形而有處所受無像形
一切無喻衆生之界悉分別之化入佛法斷
除一切有為所生則得建立成一切智是則
名曰法界弘廣而得處在虛空之界心能解
暢當來原際一切諸想有為之業篤信無倦
演弘音響乃至無極弘誓之業一切解此衆
生境界道俗悉達無所不通普諸佛界廣狹

麤微大小所現有量無量眇眇難名曠遠原
頂入于平等已入平等曉了諸根一切羅網
解如門闥入諸十方以慧徧觀解暢法界虛
空原際則得了入無極弘誓又一切國以為
一國又以一國為一切國而平等御清淨無
穢其光普照無量佛國莊嚴諸國永無塵埃
分別清淨章句所歸聖慧道堂不可限量具
衆生願顯示諸佛微妙境界隨其黎庶本行
所興而為現化法界弘廣察虛空界永無邊
幅究竟本際一切想念計校合會無有休息
亦不信隨邪行之業修于清淨建弘誓鎧以
化未聞使諸菩薩入寂和性當行至誠積功

累德以一緣進勸化誘導一切菩薩未曾違
捨菩薩之業恣其意解顯現佛與自發己心
思如來教出沒往返逮致神通普遊諸國其
大聖慧不可思議行菩薩業法界弘廣虛空
之界而無邊際遊當來際達諸想數佛與衆
數其行之數莫能損毀入於聖智顯發言行
無極弘誓行菩薩道以得建轉不退法輪其
身口意未曾虛妄適得見佛聞經法教頌宣
聖衆演明智業適發悅豫消除塵勞致真志
性猶大醫王療衆生病皆修一切諸菩薩行
以故名曰法界弘廣其虛空界而無崖際暢
當來際皆知一切無央數劫衆生行迹善惡

所趣在於十方諸佛國土遠成無上正真之道為最正覺入於一切體中毛孔盡徧衆毛在所生處坐佛樹下轉於法輪現大滅度修大境界宣佛慧業在衆生界從其本行興佛現形頻數開化滅衆穢行一成佛道普通法界謙下恭順靡不周悉一發音響皆悅一切衆生心性現大滅度不毀十力以大願地顯示宣布一切法藏神足法慧六通之業周旋十方諸佛境界以故名曰法界弘廣其虛空界而無崖際暢當來際無央數劫當成佛道致大神通弘誓之鎧是為佛子菩薩十願以得親近具足十願令無央數不可稱載諸善

薩衆心懷悅豫住菩薩地隨時開化佛言是
菩薩學以成此願復有十事所可頒宣不可
究竟何謂為十衆生境界不可究竟諸佛境
界亦不可盡其虛空界亦不可量思法境界亦
不可暢無為境界亦不可限佛之境界不可
得底如來境界亦無崖際其心因緣亦不可
限慧行本末不可得崖諸佛境界所可進退
法迴慧轉不可究竟是為十事衆生境界不
可究竟成大弘誓是十事業一切皆悉不可
究竟諸界虛空法界無為佛與如來其心慧
行世界法轉慧進致成是大弘誓亦盡無盡
衆生之界亦不可盡以不可盡此衆德本如

是究竟成其道慧以是叵盡衆德之本成無
損耗弘誓之鎧其心微妙而懷仁和常抱至
誠篤信質朴以此信樂如來大化入平等覺
本所誓願而復信樂諸度無極信入道地殊
特之業信十種力開化十方信無所畏四事
不護而具足是獨步三界信諸佛法十八不
共超絕之義而無等侶信諸佛法不可思議
信如來界不可得底宣傳聖教而不可盡信
入如來無量道業信諸菩薩其行平等而無
偏黨住於如來頒宣道教彼念如是如來道
法甚深微妙巍巍如斯寂寞無限擔怕無量
空淨無際如此無想為滅無著為極寬弘如

是無極所入無邊如此難當況復佛法誰能
限哉是諸凡夫所見顛倒邪不能正惟念愚
冥求無益事心懷意憧遊於塵勞求恩愛網
挾於諛諂心行虛偽慳嫉貪妬志慕生死周
旋往來而抱三毒婬怒癡垢輪轉無際興于
恚害心欸欸然熾在顛倒業造行罪患所有
恩愛無明諸漏常思在心縛其意識展轉三
界苦惱之厄慕逆之行往返無休與名色俱
由是相生以是名色增長所生便有六入諸
衰聚宅以生六入轉相合流成于更習則興
痛癢倍復貪樂於痛癢業因即發成長養恩
愛適成恩愛因從致生以致此生便老病死

憂惱啼哭心抱惱熱合成大患計於衆生由
是之故生苦陰身若離吾我心自計察又此
我身由以愚冥譬若草木瓦石墻壁猶若形
影曉了無名以是之故解脫名色五陰之身
永消諸見六十二疑因斯得成無極大哀吾
等當護救濟此行志在永平固安道地便致
大慈弘坦聖慧菩薩以能如是慈愍是故佛
子致成仁和真正順從初發意業心棄一切
萬物利養汲汲恹恹修廣大業其意同懷所
有珍寶帑藏金銀琉璃水精諸明月珠車璫
馬瑙珊瑚琥珀妙玉瓔珞步搖竒異象馬車
乘奴客婢使眷屬徒使普能布施無所愛惜

能惠郡國縣邑丘聚村落園觀池水果實妻
子男女已所重愛頭目肌肉髓腦支體以能
不恡一切所有則好布施供衆貧乏入佛聖
明無極大道是爲名曰得立初發第一道地
成廣大施志性如是行於愍哀施慈布仁救
濟衆生加護見在度世之業慕求利義將順
群萌未曾興發患猷之心心不懈倦勤學衆
典微妙經藉普達諸經曉了一切諸所造業
進退由己衆義法藏觀諸衆庶隨上中下而
順其意各使得所從其本器應受大小故解
世事以解世事便行時宜因護彼我被慚愧
服戒德自重忍辱心和精進無過一心智慧

所行精進為己為眾慚愧行成以是修行便
復出家心不迴動無能傾者其力堅強緣是
堅強供養如來奉受其教由是之故修治道
地令其嚴淨顯正法乃至篤信慈愍施眾
悉具此已乃住菩薩悅豫之地為無數佛所
見照念於無量億百千姪無限兆載諸佛所
護使得進現所願有力彼以逮見如來至真
等正覺以仁和心而奉事之積累菩薩永安
之業諸有群生所在危厄往將護之以是德
本勸助使發無上正真之道供養諸佛開化
眾生使得成就欲化眾生布施飲食先救飢
渴發于四恩悅樂有力奉上敬中愍順其下

惠施仁愛利人等利一切罪除無有餘殃不
復種禍所可供佛開化衆生以成究竟住此
道地以是德本助一切智諸通敏慧轉更茂
盛猶如佛子紫磨真金絕工金師曉治鍊金
以著火中其色益發菩薩如是供養諸佛勤
化衆生功祚轉茂嚴淨此法住于道地以是

德本興顯本無功至無本進退自由金剛藏
曰惟聽佛子菩薩以住初發之地當作是求
觀其行迹問其本末諸佛菩薩為設善友正
行無獸以成道品當所施住是故名曰第一
地住已當次問第二住地所行之業云何致
之諸佛菩薩明師賢友行法無獸以成道住

取要言之如是第二第三第四第五第六第七第八第九第十問其本末所當施行而得成就諸佛菩薩明師賢友行法無厭成就道地道地之品所觀道業奉行德本道地處所曉了方便一一分別道地清淨所入殊特聖慧日進各各達致使不退轉彼以如是淨菩薩住解別如來無量聖慧以立若斯方便隨時是為菩薩第一道地而不迴轉未曾廢退如是遂進得成十住不還墮落聲聞緣覺慧住顯明稍近佛智無極光明猶若佛子明智導師將護大賈諸品群衆度厄難路得願到國入大城中所越徑路悉曉了之徑路好醜

善惡難易其處殊安其處恐難重問餘路所
當興立所乘車馬諸象大乘可得通度而不
動傾第一住地亦復若斯猶若斯人至大城
裏悉別安處無能動轉從第一住所立道地
奉惠如是靡所不達以大財富無窮之業等
化大衆至入大城不為穢濁之所見溺能自
安已不危衆賈如是佛子菩薩猶如明智導
師以能得住第一道地曉了諸地嚴淨修治
一切道地至於十住解暢菩薩一切道地入
如來慧攝取菩薩無極福慶積德之業累於
聖慧所作已辦為衆大道應意開化使越生
死往返大難無窮曠野飢渴苦患則以通達

入一切智無極法城是故佛子菩薩大士以
無倦心常修精進致於殊特嚴淨道地是為
佛子名曰菩薩大士悅豫第一住地入于道
門演普等教菩薩住此所遊天下國土處所
得大威豪將護道法以大惠施濟于衆生以
善功德消除貪嫉退其垢穢宣無窮施所興
德平施救衆乏諸可珍愛割情濟衆行四恩
義惠施仁愛利人等利一切救濟合聚黎庶
心不捨佛恩法聖衆惟菩薩業志菩薩行
諸度無極十住之地念於十力四無所畏十
八不共諸佛之法至悉具足一切智矣以是
德致一切志尊無極尊豪為最為上為無儔

正爲無等侶開道宣化顯示衆人成一切智
將濟危厄發意之頃精進勤修一切順化不
慕時俗財利之業道法之正出家學道奉佛
法教斯頃之間致無央數諸三昧定見諸佛
尊不可稱載以是建立覩諸世界無央數千
念得越度無數國土照諸境界開化衆生識
念過去當來諸劫選擇法門顯示諸身現諸
菩薩無央數載眷屬圍繞菩薩由是所建立
力入殊特願在所變現諸可興善宣布惠施
乃至普通無數億姪百千劫事於是金剛藏
菩薩大士思惟察是菩薩住義之所歸矣即
時頌曰

積累清白法

殖衆德之本

誓首歸諸佛

順行慈仁業

入于信解脫

清淨善之元

心御無限量

最勝之聖慧

佛為一切智

淨力現其處

成就眾祐法

導利護群黎

以行大愍哀

轉殊勝法輪

如來由佳良

興發心甚尊

一時所曉了

思惟泥洹業

若干覺眾生

隨時顯其義

合集一切德

是為眾導師

其心所周入

猶等如虛空

智慧最威神

本哀行善權

志性懷篤信

清淨力無量

面見無罣礙

救濟外眾

殖種平等業

思惟念安住

適生心之寶

眾祐自然慧

以通雅力行

究竟佛道法

生十力種性

永無諸罪殃

最勝曜正真

至于尊上道

是為心和同

顯發致平地

無動猶如山

在國等性行

最勝曜正真
顯發致平地
多所抱歡悅
善哉意尊妙
應時勝弃穢
聖慧無等侶
以消五恐懼
遠于諸惡趣
何因至本無
專精行慈愍
夙興而夜寐
不為欲所汙

至于尊上道
無動猶如山
志意修篤信
要離諸恐懼
謹慎善將養
心懷至踊躍
緣是致道地
以捨衆會畏
則無有吾我
至信修恭敬
修習衆德本
心若聞雅典

是為心和同
在國等性行
欣樂應廣普
無有瞋恚行
樂救衆群生
捐除衆非處
至死不保命
終無恐懼心
若能離恐懼
除慕富功勳
以立誠信法
修善無厭極

永除愛欲利
修治佛經法
言行常相應
疾學至佛道
不違清白法
惟好如此法
為諸奉持法
身行常殊妙
是徧諸佛土
彼此無虛妄
如是願無量
逮致無可畏

常好樂佛道
求諸度無極
終無虛妄言
以離方俗事
勤修最上行
導御以自誓
所至無嫉妬
嚴淨諸佛土
與諸佛俱遊
一切皆可得
導利至永安
衆生猶虛空

志慕淨慧力
棄捐諛諂業
最勝種無穢
不樂世諸利
精勤功勳義
所欲見最尊
將順以弘誓
開化衆群生
佛以一名稱
學了最上義
是廣普無限
諸法所因生

最勝究竟俗
極入於聖慧
究竟至弘誓
其行亦若茲
篤信佛功勳
興發於大慈
是以故布施
衆寶及象馬
一切普能施
不以為患厭
其智超三世
奉敬諸長者

興顯于慧地
逮致三達智
令我獲此願
如是善藏思
觀察衆生無
吾當護養育
若干種可惠
頭目及手足
不可懷怯弱
曉了世經藉
懷慚志堅強
衆聖行如是

其心之境界
以開于衆生
如是之暢達
仁和心柔爽
緣行入愍哀
欲安立黎庶
國土城邑聚
并以己身肉
志慕衆經典
隨俗而勸化
供養無等雙
夙夜勤不廢

熾盛諸功德

猶火中之金

彼勤精行此

菩薩十住地

慕于無為業

而化諸有為

猶如有導師

愍傷大眾賈

預問安隱路

故在前指示

菩薩亦如是

初發第一住

稍進至十住

成致無礙道

以能住此義

究暢執功勳

慈心不懷害

以法而教眾

在天下知時

開化咸將護

立眾令布施

使樂佛聖慧

至聖發意頃

棄國捐王舍

入于佛法教

出行修精進

尋逮得三昧

見佛無數千

感動諸佛國

覩光往聽經

淨化無數眾

使入道法門

遊於百千劫

隨時現其身

諸最勝本業

覺寤眾睡眠

如過去諸佛 覺寤衆夢 是為第一住
最勝所宣布 普愍傷世間 無上諸菩薩
諸菩薩等咸有聞此無上道業慕樂遵行心
抱悅豫欣然安隱自從座起迎逆稽首踊在
虛空散衆天華口宣妙言歎曰善哉金剛藏
聖猛無所畏曉了道住行菩薩法衆會悅豫
問解脫元惟諮上道第二之住其行云何當
所思奉大智惟宣聞者亘然進至無極開化
衆生

十七紙

漸備一切智德經卷第一

戎

